




**ԱՄԵՆԱՅՆ ՀԱՅՈՑ ՀԱՅՐԱՊԵՏԻ ՈՂՋՈՒՅՆԻ ԽՈՍՔԸ
ՌՈՒՍ ՊՐԵՎՈՍԼԱՎ ԵԿԵՂԵՑՈՒ ՊԵՏՐՈՍԻՐՔՈՒԹՅԱՆ
ՎԵՐԱՀԱՅՏԱՏՄԱՆ ՔԱՌԱՍՆԱՄՅԱԿԻ ԱՌԹԻՎ**

«Զի՛ բարի կամ զի՛ վայելուչ,
Զի բնակեն եղբարք ի միասին»:

(ՍԱՂՄ. ՃԼԲ 1)

Այս հանդիսավոր պահին, մեր հոգևոր զգայնության մեջ առավել իմաստ և զեղեցկություն է ստանում Ս. Սաղմոսերգուի խոսքը:

Մենք՝ տարբեր եկեղեցիների ներկայացուցիչներ, տարբեր ժողովուրդների զավակներ, հեռու աշխարհներից եկած ու հավաքված այստեղ, Քրիստոսով եղբայրացած ենք և Քրիստոսով ուրախանում ենք Ռուս Պրավոսլավ Ս. Եկեղեցու մեծ տոնի առթիվ, որովհետև բոլորս էլ գործում ենք Քրիստոսի Ս. Ավետարանի փառքի համար: Եվ իրոք, ինչքան բարի է, ինչքան վայելուչ է, որ մենք, եղբայրներ ի Քրիստոս, բոլորս միասին ենք այսօր:

Քրիստոսի փառքի համար ապրող ու գործող մի մեծ և զորավոր զինվորություն է Ռուս Պրավոսլավ Ս. Եկեղեցին, որ դարեր, դարեր շարունակ հանդիսացել է նշմարիտ հավատի բերդ և ոգեկան լույսի աղբյուր ու հոգևոր խաղաղության նավահանգիստ, ծովից ծով և օվկիանոսից օվկիանոս տարածվող Ռուսական աշխարհի մեջ: Եվ այսօր էլ նա նույն հավատի բերդն է, նույն լույսի աղբյուրը, նույն խաղաղության նավահանգիստը հավատացյալ հոգիների համար, իմաստուն և հեղինակավոր հովվապետությանը ներքև նորին Սրբություն Ալեքսի Պատրիարքի:

Այսօր Պրավոսլավ Ս. Եկեղեցին և ռուս աստվածասեր ժողովուրդը, տոնական զգեստներ հագած, ցնծությամբ են հիշում պատմական րվակներ, երբ բռնասուն տարիներ առաջ վերահաստատվեց Ռուսական Եկեղեցու Պատրիարքությունը իր վեհիրավ բոլոր իրավունքներով: Այսպիսով նա վերստին տիրացավ իր ավանդական տիադոսին և վերստին մտավ իր բուն և նշմարիտ հոգևոր առաքելության նախապարհի մեջ:

Մենք, որպես Հովվապետը Հայաստանյայց Առաքելական Ս. Եկեղեցու, ուրախությամբ և գրկաբաց ընդունեցինք Մեզ եղած հրավերը, և ահա այստեղ ենք Ձեր բոլորի կողմին և Ձեզ նման երջանիկ, իբրև ճշմարիտ եղբայր և բարեկամ:

Ճշմարիտ եղբայր և բարեկամ, այո՛, որովհետև ահա ավելի քան երկու հարյուր տարիների ֆրիստոնեական եղբայրական սիրո և փոխադարձ հարգանքի ու գործակցության արմատացած կապեր կան մեր երկու Եկեղեցիների և մեր երկու ժողովուրդների միջև: Այդ կապերը անփակտելի են դարձել մեր հավատացյալ ժողովուրդների աղոթքներով և արյունով գրված պատմությամբ: Այդ կապերը ամուր և անփակտելի կմնան հավիտյան: Եվ ինչպես անցյալի մեջ, նաև այսօր և միշտ, Հայ Եկեղեցին կլինի Ձեր կողմին, բոլոր Եկեղեցիների կողմին՝ համաապնդումն Քրիստոսի Եկեղեցու, համաապնդումն սիրո և եղբայրության ոգու մարդկանց միջև, համաապնդումն աշխարհի խաղաղության:

Սիրելի՛ եղբայր Մեր ի Քրիստոս, Ձերդ Սրբություն Ալեքսի Պատրիարք Համայն Ռուսիո, ընդունեցե՛ք Մեր սիրո ողջույնը, որ բերում ենք Ձեզ ֆրիստոնեական հավատի հնագույն կենտրոններից մեկի՝ Ս. Էջմիածնի-սեղանից, որը ինքը մեր Տերը և Փրկիչը հիմնեց Ս. Գրիգոր Լուսավորչի տեսիլով, Դ դարի սկզբին, «ԸՍՏ ՅԱՌԱԶԱԴՐՈՒԹԵԱՆ ՅԱԻՏՅԵԱՆՑՆ ԶՈՐ ԱՐԱՐ Ի ՁԵՌՆ ՏԵԱՌՆ ՄԵՐՈՅ ՅԻՍՈՒՄԻ ՔՐԻՍՏՈՍԻ» (Եփես. Գ 11):

Ընդունեցե՛ք նաև Մեր և ամբողջ հայ հավատացյալ ժողովրդի սրտից բխած մաղթանքը, որ Աստված, պանպանիչը և բարյաց շնորհատուն, անասան և միշտ փառքի մեջ պահե Ռուս Պապուսով Ս. Եկեղեցին և Ձեր Պատրիարքական Գանը, ու ծաղկեցնե Ձեր հովվապետական գավազանը երկար ու երջանիկ տարիներ, խաղաղ, արևոտ օրերով:

Եվ «ՅԱՄԵՆԱՅՆ ԺԱՄ ՈՒՐԱԽ ԼԵՐՈՒՔ» (Ա Թես. Ե 16), «ԵՒ ԻՆՔՆ ՏԷՐ ԽԱՂԱՂՈՒԹԵԱՆ ՏԱՑԷ ՁԵԶ ԽԱՂԱՂՈՒԹԻՒՆ ՅԱՄԵՆԱՅՆ ԺԱՄ ՅԱՄԵՆԱՅՆ ԻՐՍ. ՏԷՐ ԸՆԴ ԱՄԵՆԵՍԻՆ ԸՆԴ ՁԵԶ» (Բ Թես. Գ 16), ԱՄԷՆ:

